



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
- GRADONAČELNIK -
Broj: 01/2-04-89- /21
Živinice, 07.05.2021. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09"), člana 38. Statuta Grada Živinice („Službeni glasnik Grada Živinice“, broj: 5/19) i Pravilnika o utvrđivanju uslova, kriterija, načinu odabira, postupku raspodjele sredstava i praćenju realizacije projekata i programa nevladinih (neprofitnih) organizacija ("Službeni glasnik Grada Živinice", broj: 4/21) (u daljem tekstu: Pravilnik), Gradonačelnik o b j a v l j u j e

JAVNI POZIV

za podnošenje aplikacija (projektnih prijedloga) za finansiranje i sufinansiranje programa/projekata nevladinih organizacija iz Budžeta Grada Živinice za 2021. godinu

I

Predmet Javnog poziva

(1) Predmet Javnog poziva je prikupljanje aplikacija (projektnih prijedloga) za finansiranje i sufinansiranje programa/projekata nevladinih (neprofitnih) organizacija iz Budžeta Grada Živinice za 2021. godinu, na sljedećim budžetskim kodovima:

1. 614 311 – Program podrške NVO iz reda boračke populacije u iznosu od 80.000,00 KM,
2. 614 311 – Program podrške NVO u oblasti kulture, obrazovanja, očuvanja tradicije i umjetnosti u iznosu od 40.000,00 KM,
3. 614 311 – Program podrške NVO u oblasti zaštite okoline, promocije turizma i privrede u iznosu od 40.000,00 KM,
4. 614 311 – Program podrške NVO za socijalnu zaštitu i pomoć stanovnicima sa područja Grada Živinice u iznosu od 100.000,00 KM,
5. 614 311 – Podrška organizaciji kulturno-umjetničkih manifestacija u iznosu od 20.000,00 KM.

(2) Sredstva iz stava (1) ovog člana dodjeljuju se za projekte i programe nevladinih (neprofitnih) organizacija, i to:

1. Sredstva iz stava (1) tačka 1. ovog člana dodjeljuju se za finansiranje i sufinansiranje projekata i programa **boračkih udruženja (organizacija)**.
2. Sredstva iz stava (1) tačka 2. ovog člana dodjeljuju se za projekte i programe nevladinih organizacija iz oblasti **kulture, umjetnosti, nauke, obrazovanja i očuvanja tradicije**.
3. Sredstva iz stava (1) tačka 3. ovog člana dodjeljuju se za projekte i programe nevladinih organizacija iz oblasti **zaštite životne sredine (okoliša), turizma i privrede**.
4. Sredstva iz stava (1) tačka 4. ovog člana dodjeljuju se za projekte i programe nevladinih organizacija iz oblasti **socijalne i zdravstvene zaštite i pomoći, uključujući i humanitarne nevladine organizacije**.
5. Sredstva iz stava (1) tačka 5. ovog člana dodjeljuju se udruženjima čija je primarna oblast **kultura i umjetnost, za organizaciju kulturno-umjetničkih manifestacija** na području Grada Živinice. Sredstva iz stava (1) tačka 5. ovog člana mogu se dodijeliti i JU BKC-u Živinice za organizaciju tradicionalnih kulturno-umjetničkih manifestacija.

II

Oblast finansiranja/sufinansiranja

Sredstva iz budžeta Grada Živinice mogu se dodijeliti za realizaciju projekata/programa iz sljedećih oblasti:

- zaštite i promocije ljudskih prava i prava djeteta,
- unapređenja socijalne zaštite, zaštite civilnih žrtava rata i zaštite porodica sa djecom,
- podršku boračkim kategorijama,
- podršku mladima i djeci kroz susrete, takmičenja i edukaciju,
- demokratizaciju i razvoj civilnog društva,
- zaštitu i očuvanje zdravlja i životne sredine (ekologija),
- zaštitu i očuvanje kulturne baštine naroda i nacionalnih manjina BiH i promociju njihovih kulturnih vrijednosti, očuvanja tradicije i njegovanje običaja,
- promociju volonterskog i humanitarnog rada u oblasti obrazovanja, kulture, socijalne zaštite, zdravstva i rada sa mladima, i
- drugih oblasti za projekte kojima se unapređuje kvalitet življenja stanovnika Grada Živinice.

III

Uslovi

(1) Aplikanti (nevladine organizacije) moraju zadovoljiti sljedeće opće uslove:

- da su osnovani i registrovani u Bosni i Hercegovini,
- da su vođeni od strane državljana Bosne i Hercegovine,
- da imaju sjedište na području Grada Živinice,
- da su projekti i programi u potpunosti ili djelimično namijenjeni građanima Grada Živinice, osim ako Pravilnikom nije drugačije određeno,
- da su projekti ili programi usmjereni na realizaciju ciljeva iz strateških dokumenata Grada Živinice,
- da se projekti i programi realizuju za period budžetske godine (od 01.01.2021 do 31.12.2021),
- da ne obavljaju aktivnosti u ime političkih partija.

(2) Izuzetno, sredstva za finansiranje i sufinansiranje projekata i programa iz Budžeta Grada Živinice mogu se dodijeliti nevladinoj organizaciji (uključujući i humanitarne organizacije) koja nema registrovano sjedište na području Grada Živinice, za projekte koji se ne realizuju na području Grada Živinice, ako u realizaciji projektnih/programskih aktivnosti takvih nevladinih organizacija učestvuju građani sa područja Grada Živinice koji čine: marginalizirane osobe, osobe kojima je potrebna socijalna i zdravstvena pomoć, osobe oboljele od različitih bolesti i slično.

(3) Nevladina organizacija koja je za projekat ili program dobila sredstva u ukupnom iznosu vrijednosti projekta od drugog donatora ne može učestvovati u raspodjeli sredstava iz Budžeta Grada Živinice, o čemu su dužna prilikom apliciranja na javni poziv priložiti izjavu.

(4) Aplikanti koji se prijavljuju na javni poziv, dužni su dostaviti sljedeću dokumentaciju (obaveznu dokumentaciju):

1. Elektronski popunjen aplikacijski obrazac koji mora biti potpisan od strane odgovorne osobe i ovjeren pečatom nevladine organizacije (aplikanta),
2. Rješenje o registraciji nevladine organizacije (original ili kopija koja je ovjerena od strane nadležnog organa – gradska uprava ili notar),
3. Uvjerenje o poreznoj registraciji – ID broj (original ili kopija koja je ovjerena od strane nadležnog organa – gradska uprava ili notar),
4. Obavještenje o razvrstavanju – klasifikacijska djelatnost (original ili kopija koja je ovjerena od strane nadležnog organa – gradska uprava ili notar),
5. Karton deponovanih potpisa (original ili kopija koja je ovjerena od strane nadležnog organa – gradska uprava ili notar),
6. Ugovor o otvaranju žiro-računa nevladine organizacije ili potvrda iz banke o žiro-računu (original ili kopija koja je ovjerena od strane nadležnog organa – gradska uprava ili notar),

7. Dokaz o namjenskom utrošku finansijskih sredstava dobivenih iz Budžeta Grada Živinice za prethodne godine, Služba za opću upravu, društvene djelatnosti, boračko-invalidsku zaštitu i raseljene osobe Grada Živinice dostavlja Komisiji po službenoj dužnosti,
8. Uvjerjenje/potvrda o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave (ukoliko je u sistemu PDV-a) (original ili ovjerena kopija). Ukoliko nije u sistemu PDV-a, aplikant o tome dostavlja popunjenu i potpisanu izjavu ovlaštene/odgovorne osobe, ovjerenu kod nadležnog organa (gradska uprava ili notar)
9. Popunjena i potpisana izjava ovlaštene/odgovorne osobe nevladine organizacije da aplikant za projekat ili program za koji aplicira nije dobio sredstva u ukupnom iznosu vrijednosti projekta/programa od drugog donatora, ovjerena kod nadležnog organa (gradska uprava ili notar).

IV Kriteriji

(1) Komisija vrednuje prijedloge projekata/programa nevladinih (neprofitnih) organizacija prema kriterijima s pripadajućim brojem bodova:

1. opis i ciljevi projekta/programa,
2. ciljna grupa,
3. rezultati ostvareni u prethodnoj godini i očekivani rezultati,
4. aktivnosti,
5. trajanje projekta,
6. masovnost projekta,
7. vidljivost i promocija projekta,
8. budžet i racionalnost troškova,
9. način praćenja projekta.

(2) Komisija vrednuje prijedloge projekata/programa nevladinih organizacija za organizaciju kulturnih i umjetničkih manifestacija i događaja prema kriterijima s pripadajućim brojem bodova:

1. ciljevi koji se žele postići realizacijom projekta ili programa,
2. ciljna grupa,
3. aktivnosti koje se poduzimaju u svrhu realizacije ciljeva,
4. opis prethodne manifestacije ili događaja i očekivani rezultati,
5. trajanje i masovnost manifestacije ili događaja,
6. stručni kapaciteti nosioca projekta i drugih učesnika,
7. vidljivost i promocija projekta,
8. budžet i racionalnost troškova,
9. značaj manifestacije ili događaja za lokalnu zajednicu.

(3) Svaki član Komisije dodjeljuje bodove od 1 do 5 za svaki od kriterija pojedinačno na sljedeći način: 1 (veoma loše), 2 (loše), 3 (odgovarajuće), 4 (dobro), 5 (veoma dobro). Konačan broj bodova za svaki od kriterija predstavlja prosječan broj bodova navedenog kriterija svih članova Komisije.

(4) Minimalan broj bodova po kriterijima iz stavova (1) i (2) ovog člana je 9, a maksimalan broj bodova je 45. Projekti koji dobiju 15 i više bodova bit će finansirani, odnosno sufinansirani iz Budžeta Grada Živinice, s obzirom da projekti sa nižim brojem bodova od 15 ne zadovoljavaju postavljene standarde i neće biti finansirani, odnosno sufinansirani.

(5) Nevladina/neprofitna organizacija može aplicirati maksimalno do 35% planiranih sredstava u Budžetu Grada Živinice na budžetskoj poziciji za koju aplicira. U slučaju da je iznos sredstava veći od 35%, Komisija će isti iznos smanjiti na 35% u budžetu planiranih sredstava na određenoj budžetskoj poziciji u aplikaciji nevladine organizacije i dalje će se koristiti taj iznos.

(6) Na osnovu broja bodova vezanih za kriteriji „budžet i racionalnost troškova“ iz stavova (1) i (2) ovog člana, i to:

- 1 – 1,49 dodjeljuje se 20% traženog iznosa sredstava,
- 1,50 – 1,99 dodjeljuje se 30% traženog iznosa sredstava,
- 2 – 2,49 dodjeljuje se 40% traženog iznosa sredstava,
- 2,50 – 2,99 dodjeljuje se 50% traženog iznosa sredstava,
- 3 – 3,49 dodjeljuje se 60% traženog iznosa sredstava,
- 3,50 – 3,99 dodjeljuje se 70% traženog iznosa sredstava,
- 4 – 4,49 dodjeljuje se 80% traženog iznosa sredstava,
- 4,50 – 4,99 dodjeljuje se 90% traženog iznosa sredstava,
- 5 dodjeljuje se 100% traženog iznosa sredstava.

(7) Iznos sredstava koji je izračunat u stavu (6) ovog člana se na osnovu ukupnog broja bodova:

- 15 – 17,99 dodjeljuje 20% iznosa izračunatog u stavu 6. ovog člana,
- 18 – 20,99 dodjeljuje 30% iznosa izračunatog u stavu 6. ovog člana,
- 21 – 23,99 dodjeljuje 40% iznosa izračunatog u stavu 6. ovog člana,
- 24 – 26,99 dodjeljuje 50% iznosa izračunatog u stavu 6. ovog člana,
- 27 – 29,99 dodjeljuje 60% iznosa izračunatog u stavu 6. ovog člana,
- 30 – 32,99 dodjeljuje 70% iznosa izračunatog u stavu 6. ovog člana,
- 33 – 35,99 dodjeljuje 80% iznosa izračunatog u stavu 6. ovog člana,
- 36 – 38,99 dodjeljuje 90% iznosa izračunatog u stavu 6. ovog člana,
- 39 – 45 dodjeljuje 100% iznosa izračunatog u stavu 6. ovog člana.

(8) U slučaju da je iznos sredstava za nevladine (neprofitne) organizacije, koji je dodijeljen na način propisan u stavu (6) i (7) ovog člana veći od iznosa sredstava planiran budžetskom pozicijom, procentualno se smanjuje svim nevladinim (neprofitnim) organizacijama do iznosa planiranog budžetskom pozicijom.

V

Projekti/programi koji se neće finansirati

(1) Sljedeći projekti se neće finansirati:

1. projekti udruženja koja nisu izvršila svoje obaveze po ranije odobrenim projektima finansiranim iz Budžeta Grada Živinice,
2. projekti koji se baziraju na investicionim ulaganjima, adaptaciji ili izgradnji kapitalnih objekata, ili na kupovinu opreme, osim ako je oprema neophodna za uspješnu implementaciju projekta,
3. projekti kojima je predviđen dio administrativnih i materijalnih troškova (električna energija, voda, telefon, kancelarijski materijal i sl.) veći od 20% ukupnog iznosa projekta, osim ako Pravilnikom nije drugačije određeno,
4. projekti koji su usmjereni prema političkim aktivnostima,
5. projekti koji su namijenjeni za isključivu dobit pojedinca,
6. projekti koji se zasnivaju na dodjeljivanju sredstava trećoj strani, osim ako Pravilnikom nije drugačije određeno.

(2) Sredstva dodijeljena iz Budžeta Grada Živinice za projekte nevladinih/neprofitnih organizacija ne mogu se koristiti za finansiranje sljedećih troškova:

- zakup kancelarijskog prostora, osim ako Pravilnikom nije drugačije određeno,
- naknade za rad predsjednika, podpredsjednika i sekretara, osim ako Pravilnikom nije drugačije određeno,
- naknade za rad upravnog odbora ili drugih radnih tijela organizacije,
- troškove reprezentacije predsjednika i drugih lica iz upravljačke strukture udruženja.

VI

Prijava na Javni poziv

(1) Javni poziv se objavljuje na web stranici Grada Živinice, oglasnoj tabli i putem RTV-a Živinice.

(2) Prijave na Javni poziv se podnose na jednom od propisanih aplikacijskih obrazaca po Javnom pozivu za podnošenje aplikacija i projektnih prijedloga za finansiranje i sufinansiranje programa/projekata nevladinih organizacija iz Budžeta Grada Živinice za 2021. godinu, koji mora biti potpisan od strane odgovorne osobe i ovjeren pečatom nevladine organizacije.

(3) Aplikacijski obrasci su propisani kao:

- Aplikacijski obrazac 1 – Nevladine organizacije,
- Aplikacijski obrazac 2 – Kulturno-umjetničke manifestacije i događaji.

(4) Nevladine organizacije prijavljuju se na javni poziv isključivo na jednu od prioriternih oblasti koje su definisane članom I stav (1), u zavisnosti od toga koja im je oblast djelovanja primarna po statutu.

(5) Jedna nevladina organizacija može aplicirati sa jednim aplikacijskim obrascem (projektnim prijedlogom) za kalendarsku godinu, kojim može obuhvatiti sve ili više svojih aktivnosti koje provodi u toku kalendarske godine, s tim da ukupan iznos traženih sredstava za projekat/program ne prelazi 35% budžetske pozicije Budžeta Grada Živinice za koju aplicira.

(6) Ako nevladina organizacija aplicira na oblast ili grant koji je van područja njenog djelovanja, Komisija zadržava pravo da o tome usmeno obavijesti aplikanta, i pozove ga da u roku od tri dana izmijeni svoju prijavu, o čemu će Komisija za provođenje postupka i odabir projekata i programa nevladinih organizacija sačiniti službenu zabilješku. Ukoliko aplikant ne postupi po obavijesti, Komisija će odbaciti prijavu.

(7) Izuzetno, nevladina organizacija koja se primarno bavi realizacijom projekata i programa iz oblasti kulture i umjetnosti može istovremeno aplicirati na javni poziv sa drugim aplikacijskim obrascem samo u slučaju kada organizuje kulturnu ili umjetničku manifestaciju ili događaj, gdje aplikant, osim apliciranja na jednu od budžetskih pozicija iz člana I stav (1) tačke od 1. do 4. može aplicirati i na budžetsku poziciju iz člana I stav (1) tačka 5. Javnog poziva, na Aplikacijskom obrascu 2, koji je predviđen za ovu vrstu namjene, bez dostavljanje dokumentacije iz člana III stav (4) Javnog poziva. Aplikant dostavlja kompletnu dokumentaciju iz člana III stav (4) Javnog poziva ako isključivo aplicira na budžetsku poziciju iz člana I stav (1) tačka 5. Javnog poziva, odnosno ne aplicira na budžetske pozicije iz člana I stav (1) tačke od 1. do 4. Javnog poziva. Aplikant ne može aplicirati sa dva projektna prijedloga za isti projekat/program.

(8) Na budžetsku poziciju iz člana I stav (1) tačka 5., za finansiranje i sufinansiranje projekata i programa iz oblasti kulture i umjetnosti, osim nevladinih organizacija iz oblasti kulture i umjetnosti može se prijaviti i JU BKC Živinice, samo na aplikacijskom obrascu, bez dostavljanja ostale dokumentacije navedene u članu III, stav (4) Javnog poziva, a bodovanje će se vršiti u skladu sa članom IV Javnog poziva.

VII

Način i rok za podnošenje prijave (aplikacije)

(1) Elektronski popunjen aplikacijski obrazac koji mora biti potpisan od strane odgovorne osobe i ovjeren pečatom nevladine organizacije sa pratećom dokumentacijom dostaviti Komisiji za provođenje postupka i odabir projekata i programa nevladinih organizacija koji će se finansirati ili sufinansirati iz Budžeta Grada Živinice za 2021. godinu, u zatvorenoj kovrti uz obaveznu naznaku:

“Prijava na Javni poziv za finansiranje ili sufinansiranje projekata/programa nevladinih organizacija-NE OTVARAJ“, putem pisarnice Grada Živinice ili preporučeno putem pošte na adresu:

Grad Živinice

**Komisiji za provođenje postupka i odabir projekata i programa nevladinih organizacija koji će se finansirati ili sufinansirati iz Budžeta Grada Živinice za 2021. godinu,
Ulica Alije Izetbegovića broj 28, 75270 Živinice
(uz obaveznu naznaku “Prijava na Javni poziv-NE OTVARAJ“)**

(2) Javni poziv ostaje otvoren 15 dana od dana objavljivanja na web stranici Grada Živinice.

(3) Projektni prijedlozi s nepotpunom dokumentacijom i dostavljeni izvan predviđenog roka neće biti razmatrani niti finansirani.

(4) Komisija donosi Privremenu rang listu o odabiru projekata i programa nevladinih organizacija koji se finansiraju/sufinansiraju iz Budžeta Grada Živinice na osnovu bodovanja projekata u skladu sa članom 13. Pravilnika, s tabelarnim prikazom svih nevladinih organizacija, naziva projekata/programa i iznosom sredstava i objavljuje je na web stranici Grada Živinice.

(5) U cilju zaštite ličnih podataka, podaci prikupljeni od podnosioca prijave će biti tretirani u skladu sa odredbama Zakona o zaštiti ličnih podataka („Službeni glasnik BiH“, broj: 32/01).

VIII

Korištenje sredstava i izvještavanje

(1) Sredstva dodijeljena za projekte/programme nevladinim organizacijama moгу se koristiti i pravdati tokom cijele budžetske godine (od 01.01.2021. do 31.12.2021.), odnosno na način kako je definisano Pravilnikom o utvrđivanju uslova, kriterija, načinu odabira, postupku raspodjele sredstava i praćenju realizacije projekata i programa nevladinih (neprofitnih) organizacija, broj: 01/2-04-89-394/21 od 20.04.2021. godine i zaključenim Ugovorom.

(2) Aplikanti kojima su dodijeljena sredstva dužni su dostaviti izvještaj o realizaciji projekta (narativni i finansijski dio) sa ostalom potrebnom finansijskom dokumentacijom, što ovisi od dužine trajanja projekta i visine dodijeljenih sredstava.

(3) Rokovi za dostavljanje izvještaja biće utvrđeni u ugovoru, odnosno mjesec dana poslije realizovanog projekta ili do kraja budžetske godine.

IX

Informacije podnosiocima prijave

- Prispjela dokumentacija neće se vraćati.
- Podnosilac prijave je odgovoran za tačnost podataka u prijavi na propisanom obrascu.
- Prijave koje nisu podnesene na propisanim obrascima, neblagovremene i nepotpune prijave koje nisu dostavljene u navedenom roku neće biti razmatrane.
- Prijave korisnika sredstava koji nisu opravdali namjenski utrošak dodijeljenih sredstava u proteklim godinama iz Budžeta Grada Živinice neće biti razmatrane.
- Sredstva će biti doznačena nakon potpisivanja ugovora, u jednoj ili više tranši, u skladu s prilikom budžetskih sredstava Grada Živinice. U slučaju nedostatka sredstava u Budžetu Grada Živinice za tekuću godinu, obustaviti će se realizacija dodjele finansijskih sredstava u potpunosti ili djelimično, srazmjerno nedostajućim sredstvima.
- Sve dodatne informacije vezane za Javni poziv mogu se dobiti svakim radnim danom na broj telefona: 035/743-387 ili na e-mail: elvirs@gradzivinice.ba.
- Za sve nevladine organizacije koje se žele dodatno informisati bit će organizovan **Dan otvorenih vrata 10.05. (ponedjeljak) od 12,00 do 14,30 sati** u prostorijama Gradske uprave Živinice. Osim predstavljanja Javnog poziva, bit će omogućeno da se postavljaju pitanja u vezi pripreme prijave i aplikacija. Mole se svi zainteresovani aplikanti da se zbog ograničenog broja mjesta unaprijed jave i rezervišu termin na broj telefona: 035/743-387 ili na e-mail: elvirs@gradzivinice.ba.

Dostaviti :

1. RTV Živinice 1x,
2. Oglasna tabla Grada Živinice 2x,
3. Web stranica Grada Živinice 1x,
4. Arhiva 1x.

GRADONAČELNIK

Doc. dr. Samir Kamenjaković